

Broj:01- 02/2-2259/23 SK
Sarajevo, 26.06.2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 29-06-2023			
Org. jed.	Broj	Priloga	Vrijednost
05/1	- 02 -	148	/23

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM PARLAMENTA FBiH

n/r

Ivan Miličević, sekretar Predstavničkog doma Parlamenta FBiH
Kenela Zuko, zastupnica u Predstavničkom domu Parlamenta FBiH

Predmet: Odgovor na zastupničku inicijativu, **dostavlja se-**
Veza: Vaš akt broj: 05/1-02-148/23 od 16.06.2023. godine

Poštovani,

U vezi sa zastupničkom inicijativom, koju je pokrenula Kenela Zuko, zastupnica u Predstavničkom domu Parlamenta Federacije Bosne i Hercegovine, koja glasi:

„Inicijativa za povećanjem broja pedagoga, psihologa i socijalnih radnika u osnovnim i srednjim školama na području cijele Federacije Bosne i Hercegovine, s obrazloženjem da Federalno ministarstvo rada i socijalne politike mora pojačati nadzor nad službama u općinama/gradovima Federacije Bosne i Hercegovine, te raditi na jačanju ljudskih kapaciteta u istim, na promoviranju porodice kao osnovne ćelije društva, s posebnim akcentom na djecu koja dolaze iz disfunkcionalnih porodica i koji su lokalnim službama već od ranije poznati“, dajemo sljedeći odgovor iz okvira nadležnosti Federalnog ministarstva rada i socijalne politike:

Federalno ministarstvo rada i socijalne politike svakako podržava svaku inicijativu koja ide u smjeru unaprjeđenja institucionalnih mehanizama zaštite najranjivijih kategorija društva među kojima se, svakako, nalaze i djeca. U tom kontekstu predmetnu inicijativu potrebno je generalno podržati. Međutim, kako bi ona uistinu dovela do značajnijeg unaprjeđenja postojećeg sistema socijalne i dječije zaštite, potrebno je istu nasloviti i na druge, mnogo relevantnije, institucije među kojima se, prije svih drugih, nalazi Uprava za inspekcijske poslove Federacije BiH. Imajući u vidu da nadzor o kojem uvažena zastupnica govori ne može adekvatno provoditi Federalno ministarstvo rada i socijalne politike, nego samo institucije koje imaju ovlasti za inspekcijski nadzor, upoznajemo Vas da smo Federalnom ministarstvu pravde uputili Inicijativu za formiranje federalne inspekcije za oblast socijalne i dječije zaštite br. 05-31/3-2145/23 od 13.05.2023. godine, odnosno prije nego se dogodio nemili incident u Lukavcu.

PARLAMENT EDEBATE
SARAJEVO

On. Jah.	3. 1. 1991	Prilozak	Yuznosob
CC	100	116	105

Kao što je poznato, inspekcijski nadzor predstavlja vrstu upravnog nadzora koji se ostvaruje neposrednim uvidom u zakonitost rada, poslovanja i postupanja pravnih i fizičkih osoba koje obavljaju određenu djelatnost i građana u pogledu pridržavanja zakona i drugih propisa, te kroz poduzimanje upravnih i drugih mjera na dosljednoj primjeni odredbi relevantnih propisa u određenoj oblasti. Radi se o iznimno širokom području određenom kao posao državne uprave, u kojem država, odnosno oni kojima je država prenijela javnu ovlast, osiguravaju da se svi oni koji obavljaju određenu djelatnost ili imaju određene zakonski utvrđene obaveze, pridržavaju relevantnih propisa kojima su ta pitanja uređena. Dakle, inspekcijski bi nadzor trebao osigurati:

1. da se svi pridržavaju zakona i
2. da svi korisnici određenih usluga dobiju što je moguće kvalitetniju i sigurniju uslugu.

Institut inspekcijskog nadzora je iznimno značajan u oblasti socijalne i dječije zaštite, posebno ako se imaju na umu njegove dvije temeljne uloge koje se ostvaruju kroz preventivno djelovanje pri čemu sama svijest da mogu postati predmetom nadzora pozitivno utječe na subjekte nadzora jer ih potiče da svoje poslovanje i postupanje usklade s odredbama relevantnih propisa, te kroz represivno djelovanje u situacijama kada se utvrde određene nezakonitosti i/ili nepravilnosti pri čemu inspekcijska tijela poduzimaju određene mjere kako bi se stanje vratilo u okvire zakonitog i profesionalnog djelovanja. U sistemu u kojem je inspekcijski nadzor kvalitetno regulisan, proveden i razvijen, svakako će biti važnija njegova preventivna uloga.

Napomene radi, važno je istaći da je u proteklom periodu usvojeno nekoliko zakona iz oblasti socijalne i dječije zaštite na nivou Federacije BiH koji predviđaju provedbu inspekcijskog nadzora nad njihovom primjenom od strane Federalne uprave za inspekcijske poslove putem nadležnih federalnih inspektora socijalne i dječije zaštite. Također, imajući u vidu činjenicu da su veoma česti zahtjevi od strane fizičkih i pravnih osoba koji se odnose na provedbu inspekcijskog nadzora u različitim segmentima rada i postupanja centara za socijalni rad i drugih ustanova socijalne zaštite, kao i pojedinaca koji u njima rade, evidentna je potreba uspostavljanja ovoga mehanizma institucionalne zaštite krajnjih korisnika prava i usluga iz sistema socijalne i dječije zaštite kao što su djeca, osobe s invaliditetom, stare i nemoćne osobe i drugi.

U kontekstu onoga što je prethodno navedeno, Federalno ministarstvo rada i socijalne politike cijeni da bi predmetna inicijativa trebala ići u smjeru pokretanja procedure izmjena i dopuna Zakona o inspekcijama u Federaciji BiH kojima će se pri Federalnoj upravi za inspekcijske poslove formirati inspektorat za socijalnu i dječiju zaštitu u čijoj bi nadležnosti bilo vršenje inspekcijskog nadzora nad primjenom federalnih propisa kako u predmetnoj oblasti, tako i u oblasti porodično-pravne zaštite. Ujedno, treba naglasiti da je ova inicijativa na tragu realizacije jednog od zaključaka s Tematske sjednice Predstavničkog doma Parlamenta Federacije Bosne i Hercegovine od 04.12.2019. godine na kojoj je razmatrano stanje u Zavodu za zbrinjavanje mentalno invalidne djece i omladine Pazarić, Zavodu za zbrinjavanje mentalno invalidnih lica Drin, Zavodu za zbrinjavanje mentalno invalidnih osoba Bakovići, Zavodu za vaspitanje muške djece i omladine Sarajevo i Ustanovi iz djelokruga socijalne zaštite Ljubuški, a koji se odnosio upravo na problem nepostojanja adekvatnog inspekcijskog nadzora.

Što se tiče jačanja ljudskih kapaciteta, pitanje kadrovske politike je u centrima za socijalni rad i općinskim službama socijalne zaštite, odnosno u djelokrugu odgovornosti jedinica lokalne samouprave kao njihovih osnivača. Federalno ministarstvo rada i socijalne politike već odavno poduzima sve što je u njegovoj moći i nadležnosti da dođe do napretka i u ovom segmentu, a ne može prihvatiti, niti isključivu, niti prvenstvenu odgovornost za evidentnu podkapacitiranost ovih ustanova.

S poštovanjem,



Dostavljeno:

- naslovu
- mr.sci. Edita Kalajdžić, sekretar Vlade Federacije BiH
- Veza: Vaš akt br. 03-04-709/23 od 19.06.2023. godine
- a/a